

以寬大為懷之精神。用政治途徑與和平方法解決一切。

(三)政令軍令之統一為對外之根本要件。

(四)中央決不能因外患之嚴重而放棄內亂之平定。

(五)解決內政問題。情理不能不兼顧。但是非順逆亦不可不分明。

(六)革命政府自始至終決心在內外夾攻之中奮鬥到底。

唐紹儀等電勸陳濟棠

棠

廣州陳總司令伯南兄鑒。密

連日中央同人交換意見。均以抗

敵當有決心。毫無疑問。惟為謀一致禦侮。必須增強中央政府力量。統一全國政令。今晨全會經一致決議。(以下錄全會決議案從略)

計此次全會所得結果。有下列數事。(一)政府決心維護國權。(二)實行統一全國政令等。此實吾國今日最大多數人之意見。亦有識者所咸認為至當不易之方針也。

弟等竊為兄借著代籌。當此時機。兄能應召來京。協助蔣先生計劃國防。毅然自拔。永保名。此為上策。次則封金掛印。飄然遠引。以粵省軍事付幄奇(余漢謀)保存整理。粵人將永念大德。此為中策。至

若意氣從事。不恤以多年粵省同胞膏血培成之軍事力量。為孤注一擲。以為閩變之續。此則策之下而又下者。不唯國人不諒。即吾粵同胞亦永懷怨憤。於國於粵於己。皆祇有百害而無一利。以兄明達。寧忍出此。敢佈區區。唯兄詳察之。

弟唐紹儀。王寵惠。許崇智。孫科同叩元(十三日)。

余漢謀通電就職

余漢謀主任頃發出就職及

催陳濟棠入京電原文如下。各報館均鑒。本月十二日奉國民政府軍事委員會任命狀開。特派余漢謀為廣州綏靖主任及第四路總